




# Plata dla Ploania Antermëia Sant'Antone Abat

UNITÉ PASTORALA



Ploan: siur Paul Campeï  
E-mail: [campei.paul@rolmail.net](mailto:campei.paul@rolmail.net)

Calonia: 0474/520012  
Siur Paul: 380 7345533

**VAL BADIA**  
[www.unitepastorala.org](http://www.unitepastorala.org)

Ann C

05.06.2016 - GRAN FESTA DL CÖR DE  
GEJÙ

n. 28

## Le Signur é mi famëi


 Ez 34, 11–16 | Rom 5, 5b–11 | Lc 15, 3–7

### Dal Vangele do San Lüca:

Te chël tēmp <sup>3</sup>ti à Gejù cuntè ai farisês y ai studià dla lege na parabola y à dit: <sup>4</sup>Sce un de os à cēnt bisces y nen perd öna, ne làscel nia les nonantenü tla stēpa y ti va do ala pordüda cina ch'al la ciafa? <sup>5</sup>Y canch'al l' à ciafada, la tôlel plēgn de ligrēza sön sües sciabes, <sup>6</sup>y canch'al röia a ciasa, chērdel adöm sü amisc y sü vijins y ti dij: Ralegrésse cun mè; i à indô ciafè mia biscia che ê pordüda. <sup>7</sup>I ves diji: Insciö regnaral inçe tl cil deplü ligrēza por un n picíadù su che dà ota, co por nonantenü iüsc, che n' à nia debojēgn de dè ota.



*La festa dl Cör de Gejú è n invit de Dî da gní da èl, da ester dër daimpró a èl, por che al pois ester te nüsc cörs. Y la festa è tl medemo tēmp la impormetöda de Dî, che nos ti stun dassèn a cör.*

 Letöres dla 11. domënia ia por l'ann:  
2 Sam 12, 7–10.13 | Gal. 2, 16.19–21 | Lc 7, 36– 8, 3

**Edema liturgica dai 05.06. ai 12.06.2016**

2016	Ora	Mëssa
<b>FESTA 05.06</b> <b>DL CÖR DE GEJÚ</b> <i>oferta por paié l'organist</i> <i>füé da sera!</i>	<b>9.45</b> <b>10.15</b>	<b>Ora d'adoraziun por düc</b> <b><u>Prozesciun</u> eucaristica y Messa solena</b> <b>en onur dl Cör de Gejú por la comunité</b>
<b>LÖNESC 06.06</b> <i>s. Norbert da Xanten</i>	<b>7.25</b>	<b>s. Messa</b> ++ Emmy y Sepl Prousch
<b>MERTESC 07.06</b>		
<b>MERCUI 08.06</b>	<b>7.25</b>	<b>Messa di scolari</b> + siur Heinrich animes
<b>JÖBIA 09.06</b>		
<b>VENDRES 10.06</b> <i>beat Heinrich d'Balsan</i>	<b>7.25</b>	<b>s. Messa</b> + Stefo Agreiter
<b>SABEDA 11.06</b> <i>s. Barnaba, apostul</i>	<b>18.30</b>	<b>s. Messa prefestia</b> ++ Paratscha + Amalia Erlacher
<b>11. DOMENIA 12.06</b> <i>oferta por bojëgns dla</i> <i>ploania</i>	<b>9.30</b> <b>10.00</b>	<b>Corona</b> <b>Gran Messa por la comunité</b> en onur P. Pio families Rubatscher, Fornela families Prousch, H. Pütia aniversar +Maria Planatscher <i>benedisciun dl tēmp</i>

## **Informaziuns y terminns**

**N gran dilan!** Les gran festes va a fin y passun ales domenies normales dl ann liturgich. Porchel oressi ti dì n gran dilan a düc chi che à daidé abelí les festes da daisciöda: ai moni, al cor y organist, ai portadus de confaruns, statues o zenza val, a chi che à daidé lavè la dlijia, che à daidé sié la cortina, che à organisé, che à fat zenza val sorvisc. Bel dilan!

le ploan

**Contribut por la dlijia:** al foss ciamò valgügn che ess da paié l contribut por la dlijia. Ai foss bel perià de gni dô a chesc invit, sciöche sègn de uniun ala ploania.

---

**COMUN:** Ai 12 de jügn 2016 él preodü n referendum. Chi che á la **cherta da lité** timbrada 18 iadi (ciaré ia dedô tla lerch por zertifiché la litaziun) dess se se presentè te comun (ofize **anagrafich**) t'edema dan la lîta a s'un lascé fá na nöia y dé jö la cherta vedla. Ince chi che s'l'à pordüda dess passé te comun a s'un lascè fá na nöia.

Le **Sorvisc ai Jogn** inviëia en mercui, ai 08.06.2016 dales 19.30 tl zënter dla jonëza y dla cultura Saj.un a La Ila a **en referat sura le iade de solidarieté tla Bolivia**. Sara Ploner y Sofia Ferdigg nes cuntará de sües impresciuns y dl'esperienza fata tratán chësc iade.

**La doturia Grete Mahlkecht é demez** dai 16 de jügn ai 03 de messé por ferias y vëgn sostituida dal dotur Eduard Agreiter 0474 523 315 /333 13 80 852.


Racoiüda dl **refodam da tosser a S. Martin** lönesc 06 de jügn dales 10.00-11.00

**Marcia francescana dala Val Rieti a Assisi:** dai 25 de messé ai 04 d'agost vá jogn y jones a pe cina Assisi a festejé adöm la festa dl pordonn (Portiuncola). N grup de ca. 30-40 porsones da Südtirol y dl' Austria pëia ince ia da Balsan. An vá 6 dis a pe por ca. 5-6 ores al de y al vëgn dormí te scores, convënc y alaleria, Le cost é de 295 euro. Jogn y jones dai 16 ai 40 agn é dër bel inviá da fá chësta esperienza! Info [www.laverna.at](http://www.laverna.at) o: [stefan.kitzmueller@franziskaner.at](mailto:stefan.kitzmueller@franziskaner.at)

La Uniun dles Patrones dl Comun da San Martin y la Uniun di Pairs organisëia **por dötes les families dles patrones y di pairs na griliada ite** dal lech a Lungiarü en domënia, ai 12 de jügn. I fajarun na buna marëna (griliada) a paiamënt a prisc basc y i starun valgönes ores en buna compagnia. Sc'al ess da ester bur tëmpe ne gnará la griliada nia fata. Pur les prenotaziuns telefonede a Sara 340 29 66 126 o a Lucia 338 99 18 326 cina ai 09 de jügn. I ves aspetun tröc

La Uniun dl Sport da Lungiarü organisëia le **Tornê de Calcetto dles Uniuns dl Comun da San Martin** en domënia ai 12 de jügn tl ciamp dl sport da Lungiarü. Le tornê metará man dales 10.00 y al sará ince la poscibilite da marné.

Oraziun dl dé:





Dî misericordius,  
tö nes dèures la richèza infinida de to amur  
tl cör de to Fi, ferì da nüsc picìa:  
convertèscesse, ch'i n'ofenunse nia indô Gejù Crist,  
mo ch'i le sorviunse cun dōta la dediziun,  
ël, to Fi, che é Dî y vir y regnëia cun tè  
tl'unité dl Spirit Sant por düc i secui di secui. – Amen.

Dai 10 de jügn ai 10 de iuli éle indô i campionac europeics dl palé tla Francia. Ti stadi y dan les televijiuns éel indô miliuns de porsones. Por tröc è le jüch al palé n beliscimo passatëmp. Mo cara è pa la atrativité dl calcio? Magari l'esperienza de comunité che tröc ne sint nia plü te d'atri posé ? Y sigü la tenjiun de ne savëi nia sciöche la partida va fora.

Èl chësc ci che ti fala ala religiun? À la religiun magari pordü la tenjiun, le misterius ?



<b>Mësses a Rina:</b>	Dom 8.00 Dedol. 19.30 Jöbia 7.25 Sab. 19.30 Dom 8.30
<b>Mësses a San Martin:</b>	Dom 8.00 Jöb 7.30 Sab 18.30 Dom 9.30

	06.06 - 11.06	Sara - Kathrin - Lisa - Emily
	12.06.2016	Oscar - Laura - Oliver - Natalie
	11.06.2016	Annamaria Kircher
	12.06.2016	Petra Clara

**Impressum:**  
**Comunicaziuns:**  
**Download:**

Ploania Antermëia - redaziun Carlo Piazza  
cina la jöbia sëra a [carlo.piazza@bb44.it](mailto:carlo.piazza@bb44.it) | 0474 520044  
[www.unitepastorala.org](http://www.unitepastorala.org) | [www.comun.sanmartindetor.bz.it](http://www.comun.sanmartindetor.bz.it)